

Vent frestg ainten la tgesa d'attempo

comm/mc Els s'ancleian bagn, igls seniors ed igls unfants. Chegl mossan er las visetas regularas dalla Canorta Tgimirola ainten la tgesa d'attempo a Savognin. En'eda vign fatg gimnastica ansemens, en'otr'eda do a gis.

Plagn tensiun varden igls unfants tge tgerta tgi Julia Guetg volva. Schi ella catta la tgerta tschartgeda, alloura givlan igls unfants. Pero er igl cuntrari - schi igls unfants cattan la sagona tgerta digl memori, sa legran igls seniors per igls unfants.

Maria Thomasin angratzga a sies vaschign cun struclar igls igls, schi el geida ad ella da cattar e volver la dretga tgerta. E tots reian pispert tgi gl'è cler tgi tgi è igl victour. Igls unfants vottan pero er cantar ena canzung. Karin Luzio antscheva a cantar ed igls unfants cantan cun ella.

Reir d'unfants ainten la tgesa d'attempo

L'ideia da visitar cun igls unfants dalla Canorta Tgimirola regularmaintg igls seniors dalla tgesa d'attempo è nascheida gl'onn passo. Karin Luzio tgi lavoura ainten la canorta ed è responsabla per l'activitat ainten la tgesa d'attempo ò tschartgea igl discurs cugl manader dalla tgesa d'attempo. Dalunga è la direczion stada incantada da l'ideia. Ansemens ins ò defino tge activitads tgi nissans



Igls unfants dalla Canorta Tgimirola cantan e sungan cugls seniors dalla tgesa d'attempo.

an dumonda ed an tge rom tgi chegl duess aveir li. Mintga meis viseten ossa igls unfants la tgesa d'attempo - en'eda vign fatg gimnastica, l'otr'eda do a gis. Tottas dus activitads fon grond plascheir!

Anritgamaint per grond e pitschen

Gio an divers lis dalla Svizra on li projects su-migliaints: canortas e tgesas d'attempo èn pert part schizont sot igl madem tetg e diversas activitads vignan fatgas communabla-maintg. Naturalmaintg on betg tot igls se-

niors madem grond plascheir digls visitadars. Per enqualtgi ègl mengia dad ot. Pero per igls ples ègl en aritgamaint. Igls unfants portan veta ainten tgesa. Ed igls seniors cun sies ritmus pi plang calman igls cufants. Ultra da chegl èn igls unfants bungs observadars ed amprenden tgi cartgangs pi vigls veian e saintan betg ple schi bagn, son betg eir ple gist schi bagn a pe, pero els veian tgi els steman la sia preschientcha e l'attenziun. Scu detg, en anritgamaint per grond e pitschen.



Grond e pitschen
sa cumpletteschan
fitg bagn.